

<https://www.snakkemedbarn.no/hvem-er-jeg-i-mote-med-barn-og-hvem-vil-jeg-vaere/>

Gie manne gaskesadtemisnie maanajgjumie – jih gie sijhtem árrodh?

Guktie lea munnjen maanine soptsestidh gosse tjooperdem mejtie daate maana daaresjimmieh dååjroe. Jijtse aarvoeh, vuajnoeh jih domtesh gaskesadtemem baajnehtieh.

Maanah jih noerh maehtieh soptsestidh guktie lea dejgjumie jih maam dååjroeh, jis ajve mijjieg geerve almetjh mah dejtie gaavniedieh gihtjebe jih libie stieresne. Gosse lea tjooperdimmiej bijre vædtsoesvoeten jih daaresjimmieh bijre, ij leah ajve gihtjedh jih stieresne árrodh, men aaj *guktie* mijjieg gihtjebe jih dejtie gaavnedibie,

Bijjiedæffa mohte vueptiestæffa

Mijjese geerve almetjidie lea iemie bijjiedidh jih tjielkestidh. Mijjieg dam darjobe dan åvteste mijjieg sijhetebe maanah edtjeh vielie guarkedh jih våaromem åadtjodh hijven veeljemh darjodh, jih dejtie aarjoehtidh dan jiijnje gåarede näake tsiekijste jih dååjrehtimmijste.

Gosse maanam vuejnebe mij lea geerve tsiehkesne mijjieg maaje pryövebe dam domtesem staeriedidh jih jiehtedh «nov gujht hijven gåarede, edtjh vuejnedh» - mijjieg maam joem positivje jiehtebe jih darjobe maanine juktie dam leajhroes domtesem «båarhte vaeltedh». Mijjieg dam darjobe dejnie aajkojne maanam gejerjene darjodh, men aaj dan åvteste mijjese maahta haestije árrodh maanam vuejnedh mij geerve tsiehkesne.

Soptsestalleminie maanajgjumie sensitivje teemaj bijre lea vihkele mijjieg sæjjan biejebe daam tjielkestæffa- jih bijjiedæffjaråallam, jih vueptiestæffa- jih goerehtæffjaråallan sijse tjaangebe. Råälla goh vueptiestæffa jih goerehtæffa maahta haestije árrodh, joekoen gosse laavenjasse lea vielie tjooperdimmien bijre goerehtidh maam maaneste jallh noereste åtnah.

Maahtoен leah golme biehkieh

Maehteb maahtoem guarkedh golme biehkiej mietie: daajroe, aarvoeh jih almetjen tjiehpiesvoeth. Maahtoe lea díhte maam mijjen barkosne darjobe. Gosse edtjebe gaavniedh «gie manne gaskesadtemisnie maanajgjumie jih noerigjumie mejstie tjooperdem», akte vuekie maahta árrodh jijtse aarvoej jih tjiehpiesvoeti bijjeli ussjetadtedh goh almetje. Guktie maahtam nähtoem aarvojste jih tjiehpiesvoetijste utnedh ihke daate daajroe edtja nuhteligs árrodh gaskesadtemisnie såårehke maanajgjumie jih noerigjumie?

Akte vuekie dam buktiehtidh lea jarngesne utnedh, jih voerkes árrodh dejtie aarvojde mah leah vihkeles dutnjien, jih guktie datne maahtah dov tjiehpiesvoeth goh almetje nuhtjedh juktie aarvojde gaskesadtemisnie maanajgjumie jih noerigjumie vuesiehtidh.

Daate akte prosesse maam ij iktesth maehtieh gaavnehtidh, men tjuara dahkoem tjirrehtidh – maanine jallh noerine soptsestidh dan tjooperdimmien bijre maam åtnah. Easkah dellie sijhth vueptiestidh guktie lea dutnjien jih guktie sjidh, jih mejtie dov domtesh dov gaskesadtemem

baajnehtieh. Datne maahtah vueptiestidh mij datnem haasta, jih gåessie datne leah ellen væjkalommes.

Maana goh fåantoe sijjeste jijtje fåantojne årodh

Mijjen lea tendense maanan jijtsevoeth jih vuekieh våaroemasse biejedh goh fåantoe man åvteste ibie lyhkesh dej vihkeles soptestallelemigujmie – dah dan seadtoes jallh stråarkan guktie ij mahte gåaredh dialogese båetedh.

Daamtaj sagke buerebe jijtjemse gihtjedh mij lea faatoes mannine mij dorje daate dan geerve sjædta, jih maam jijtje daarpesje ihke gaavnedimmie maanine edtja dejtie bööremes nuepide vedtedh ihke maanasov dååjresh soptseste? Mij sjugniehtåvva jih guktie lea dejtie?


Akte nuhteligs aarvoedahkoe daesnie maahta årodh maanan bijre ussjedidh lea, maana **ij leah** geerve, men sååjhtoe maana geerve **åtna**, jih akte jearsoe jih baahkes geerve almetje maahta stoerre joekehtsem darjodh.

Akte aalkoe daan barkose maahta årodh aarvoeh, daajroeh jih almetjen tjiehpiesvoeth sinsitneste joekehtidh jih jijtjemse gihtjedh:

- Mah aarvoeh leah vihkele munnjien?
- Mah almetjen tjiehpiesvoeth jih dååjrehtimmieh manne åtnam?
- Maam daajrojde jih dååjrehtimmide manne åtnam – mov daajroe akteraeresne mov aarvoejgujmie, tjiehpiesvoetigujmie jih dååjrehtimmiejgujmie – maam dagke im utniet?

Aarvoeh jih vuajnoeh - kultuvre

Dov barkoe sjædta goeredh gie datne Akte dahkoe mij sæjhta daam prosessem nænnoestidh lea jis fierhte barkoesijjie aarvoejgujmie barka juktie aktem *mijjieh* tseegkedh jih fiereguhitem nænnoestidh. Naemhtie kultuvre barkoesijjesne maahta dihete sjidtedh man vööste nahtede haestije laavenjassine.



Akte dagkeres barkoekultuvre mij aarvoem våaroemisnie åtna, maahta dam biejjeladtje gaskesadtemem sinsitnine baajnehtidh, jih ij goh unnemes maanajgujmie jih noerigujmie. Vuesiehtimmien gaavhtan dagkeres kultuvre maahta årrodh:

- Mijjieg iedtjem vuesiehtibie mubpien soptsesasse
- Mijjieg ræhpas gyhtjelassh gihtjebe jih eadtjohkelaakan goerehtibie gosse goltelibie
- Mijjieg nuepieh jih tijjem aarkebiejjien gaavnebe dam darjodh
- Mijjieg doestebe vuesiehtidh daate domtesidie doehtede jih viehkiem ohtsebe dísse maam mijjieg tuhtjebe lea haestije
- Mijjieg haarjanibie jih sjiehteladtebe daejtie vihkeles soptsestallemidie

Gosse gaskesadteme jih gaavnedimmieh dagkeres barkoekultuvrem våaroeminie utnieh, aelhkebe sjædta soptsestallemh maanajgujmie jih noerigujmie itjmies tjooperdimmiej bijre tjirrehtidh – dovne dan åvteste datne leah jearsoesåbpoe, jih dan åvteste dah mejtie gaavnedh, leah vaane daejnie jih dan åvteste haarjanimmiem åådtjeme soptsestidh.

Guktie Snakkemedbarn.no maahta datnem viehkiehtidh?

Snakkemedbarn.no edtja faagedaajroem lissiehtidh, men uvtemes dahkoemahtoem gaajhkesi luvnie vedtedh mah maanajgujmie jih noerigujmie berkieh.

Daesnie maahtah simuleeremisnie soptsestallemijstie maanah jih noerh dååjredh joekehts histovrijigujmie. Naemhtie maahtah simuleeremen tjirrh, mij ij leah vaarege, maehtedh damtehtidh maam dihte datnine dorje. Maahtah veeljedh gaskem man bijre sijhth gihtjedh, soptsesem därarjoehtidh jih goltelidh. Daate haestije, åssjaldahkide gååske, ov-vaane jih joekoen nuhteligs.

Maahtah oktegh simuleeredh jih mubpiejgjumie ektine. Gosse dam barkoевоelpigujmie darjoeh, dellie digkiedimmie jih ussjedadteme dej ovmessie veeljemi bijre, jih gåabph veeljemh juhtieh, maahta viehkine åroodh daan vuerkiehtimmieprosessese. Daate haarjanimmievuekie maahta viehkine åroodh voerkes sjidtedh guktie daate lea dutnjen, jih seamma tijen lieredh gaskesadtemen bijre mij eevtjie. Naemhtie datne vielie lierh gie datne leah, jih mejnie daarpesjh haarjanidh juktie sjidtedh dam maam sijhth åroodh.

Dov råälla

- Guktie Snakkemedbarn.no åtnose vaeltedh?
- Dov lea diedte
- Jigtse domtesh vuesiehtidh
- Gosse hiehpelaltebe mestie akt maanah jiehtieh

Sjiehteles soptsestallemh

Zainab 12 jaepien båeries

Aarebi Zainab lij gejnjene jih lyjhki mubpiejgjumie åroodh, men daelie sjaevehts jih stråarkan sjidteme jih ij sijhth gaskesem utnedh tjelmiej tjirrh. Mij heannadamme?

Victoria 16 jaepien båeries

Victoria lea jorkesamme minngemes tijen, naemhtie guktie tjooperdimmiem gååske. Mannasinie dan prarohke sjidteme?

Ole 6 jaepien båeries

Ole jijtjemse dejstie jeatjah maanijste maanagiertesne antanadta. Dihte maam akt jeahteme mestie datne tjooperdh.

Mohammed 16 jaepien båeries

Mohammed jijnjem jarngesne håalleste iehkedi jih lea aarebi feengkesovveme. Altese stoerrevielle lea åehpies lihtsege meadtoedåehkesne.

Lilly 5 jaepien båeries

Lillyn eejhægh leah juakadamme jih leah stoerre vigkesne. Dihte sæjloes vååjnoe jih jijnjem oktebisnie tjahkesje maanagiertesne.